


Санхүүгийн тайлан ба Хараат бус аудиторын тайлан

Өндөрхаан ХК

2021 оны 12 дугаар сарын 31



Агуулга

Хараат бус аудиторын дүгнэлт	1
Санхүүгийн байдлын тайлан	4
Орлогын дэлгэрэнгүй тайлан	5
Өмчийн өөрчлөлтийн тайлан	6
Мөнгөн гүйлгээний тайлан	7
Санхүүгийн тайлангийн тодруулгууд	8

Компанийн талаарх мэдээлэл

Компанийн нэр:	"Өндөрхаан" ХК	
Үүсгэн байгуулах шийдвэр:	Өндөрхаан ХК нь анх 1992 онд өмч хувьчлалаар үүсгэн байгуулагдсан бөгөөд Хэнтий аймгийн "Өндөрхаан" сангийн аж ахуйг аймгийн өмч хувьчлалын комиссоос гурван хувьцаат компани болгон өөрчлөн байгуулсны нэг юм. Монгол улсын хуулийн дагуу 2007 оны 10 дугаар сарын 25-нд Улсын бүртгэлд албан ёсоор бүртгүүлсэн.	
Гэрчилгээ ба лиценз	000133505 тоот улсын бүртгэлийн гэрчилгээ	
Төлөөлөн удирдах зөвлөл	Дарга	Г.Цогбадрах
	Гишүүд	Б.Гантулга
		О.Амарболд
		Г.Уянга
		Б.Оюутцэцэн
		Г.Сүхбаатар
		Хараат бус гишүүн
		Г.Бурмаа
	Д.Хулан	
Удирдлагын баг:	Гүйцэтгэх захирал	О.Амарболд
	Даатгалын газрын захирал	Н.Ачит
	Эрсдлийн удирдлагын газрын захирал	Ц.Анударь
Хаяг:	Компани нь Хэнтий, Хэрлэн, 5-р баг, Өндөрхаан, 01	
Регистрийн дугаар:	2035987	
Үйл ажиллагаа:	<ul style="list-style-type: none">- Үр тариа болон бусад ургамал тариалалт- Үр тарианы гурил үйлдвэрлэл- Хүнсний ногоо, үрслэг тариалалт- Мал аж ахуй	
Ажиллагсадын тоо:	4	
Аудитор:	"Грант Торнтон Аудит" ХХК, Аудит, нягтлан бодох бүртгэл, санхүүгийн зөвлөгөө, сургалт, үнэлгээний итгэмжлэгдсэн байгууллага	

Удирдлагын мэдэгдэл

Удирдлага нь санхүүгийн тайланг үнэн зөв бэлтгэж, компанийн 2021 оны 12 дугаар сарын 31-ний байдлаарх санхүүгийн байдал, уг өдрөөр дуусвар болсон үйл ажиллагааны үр дүн, мөнгөн гүйлгээ, өмчийн өөрчлөлтийг Санхүүгийн тайлагналын олон улсын стандарт (СТОУС)-ын дагуу зохистой толилуулах үүрэгтэй.

Санхүүгийн тайланг бэлтгэхдээ удирдлага дараах үүрэг хариуцлагыг биелүүлсэн. Үүнд:

- Нягтлан бодох бүртгэлийн тохиромжтой бодлогыг сонгох, тууштайгаар даган мөрдөж, үндэслэлтэй, нягт нямбай тооцоолол, үнэлгээ хийж, бүх холбогдох нягтлан бодох бүртгэлийн стандартыг мөрдсөн.
- Компанийн эд хөрөнгийг хадгалан хамгаалах, аливаа заль мэх, зүй бус үйлдлээс сэргийлэх, ийм үйлдлийг илрүүлэхэд шаардлагатай арга хэмжээнүүдийг авч хэрэгжүүлсэн.
- Санхүүгийн тайланг тасралтгүй үйл ажиллагаанд үндэслэн бэлтгэсэн.
- Өнгөрсөн үйл явдлын үр дүнд хуулийн дагуу эсвэл үүсмэл үүрэг хариуцлага хүлээсэн, ирээдүйн үйл ажиллагаанд алдагдал хүлээж болзошгүй зүйлсийг байнга хянаж байх үүрэгтэй бөгөөд хуулийн дагуу эсвэл үүсмэл үүрэг хариуцлага, болзошгүй зүйлсийн талаар тодруулсан.

“Өндөрхаан” ХК-ийн ТУЗ-ийн дарга Г.Цогбадрах, Гүйцэтгэх захирал О.Амарболд болон нягтлан бодогч Б.Ундрал бид энэхүү тайлангийн 4-7 дугаар хуудсанд үзүүлсэн компанийн санхүүгийн тайлангууд нь 2021 оны 12 дугаар сарын 31-ний өдрийн байдлаарх компанийн санхүүгийн байдал, уг өдрөөр дуусгавар болсон жилийн үйл ажиллагааны үр дүн, мөнгөн гүйлгээг Санхүүгийн тайлагналын олон улсын стандартын дагуу үнэн зөв, бодитой илэрхийлсэн гэдгийг үүгээр мэдэгдэж байна.

Г.Цогбадрах
ТУЗ-ийн дарга

Огноо:2022.03.04

О.Амарболд
Гүйцэтгэх захирал

Огноо:2022.03.04

Б.Ундрал
Нягтлан бодогч

Огноо: 2022.03.04

Хараат бус аудиторын дүгнэлт

“Грант Торнтон аудит” ХХК
Далай тауэр, ЮНЕСКО-гийн
гудамж, Сүхбаатар дүүрэг-1,
Улаанбаатар 14230,
Монгол улс
Т + 97670 110744
Ф + 97670 110722

Grant Thornton Audit LLC
Dalai Tower, UNESCO street,
Sukhbaatar District-1,
Ulaanbaatar 14230, Mongolia
T + 97670 110744
F + 97670 110722

“Өндөрхаан” ХК-ийн хувьцаа эзэмшигчдэд:

Дүгнэлт

Бид “Өндөрхаан” ХК (цаашид “компани” гэх)-ийн 2021 оны 12 дугаар сарын 31-нээрх дараах санхүүгийн тайлангуудад (цаашид “санхүүгийн тайлан” гэх)-д аудит хийлээ. Үүнд:

- Санхүүгийн байдлын тайлан,
- Орлогын дэлгэрэнгүй тайлан,
- Өмчийн өөрчлөлтийн тайлан,
- Мөнгөн гүйлгээний тайлан болон
- Нягтлан бодох бүртгэлийн гол бодлогын хураангуй,
- Бусад тайлбар тодруулгууд

Бидний дүгнэлтээр, “Өндөрхаан” ХК-ийн 2021 оны 12 дугаар сарын 31-нээрх санхүүгийн байдал ба уг өдрөөр дуусгавар болсон жилийн санхүүгийн үр дүн ба мөнгөн гүйлгээ нь бүх материаллаг зүйлсийн хувьд Санхүүгийн тайлагналын олон улсын стандартын дагуу үнэн зөв, бодитой илэрхийлэгдсэн байна.

Дүгнэлтийн үндэслэл

Бид энэхүү аудитын ажлыг Аудитын олон улсын стандарт (АОУС)-уудын дагуу хийж гүйцэтгэв. Уг стандартуудын дагуу хүлээсэн үүрэг хариуцлагаа энэ тайлангийнхаа *Санхүүгийн тайлангийн аудитад хүлээх аудиторын үүрэг хариуцлага* гэсэн хэсэгт харуулав.

Хараат бус байдал

Бид Нягтлан бодогчдын ёс зүйн Олон улсын стандартын зөвлөлийн мэргэжлийн нягтлан бодогчдын ёс зүйн дүрэм болон Монгол улсын мэргэшсэн нягтлан бодогчдын ёс зүйн дүрмийн санхүүгийн тайлангийн аудиттай холбоотой ёс зүйн зохих шаардлагуудын дагуу тус Компаниас хараат бус бөгөөд эдгээр ёс зүйн шаардлагуудад нийцүүлэн бусад ёс зүйн үүрэг хариуцлагаа бүрэн биелүүлсэн болно. Олж авсан аудитын баримт нотолгоо нь бидний гаргасан дүгнэлтийн үндэслэл болоход хангалттай, зохистой гэж итгэж байна.

Аудитын аргачлалын хураангуй

Материаллаг байдал	<ul style="list-style-type: none">Санхүүгийн тайлангийн аудитад ашигласан нийт материаллаг байдал нь 894.7 мянган төгрөг ба материаллаг байдлыг сонгохдоо нийт зардлын 3%-иар тооцсон.Үйл ажиллагаа явуулаагүй удсан компаний хувьд хувьцаа эзэмшигчдийн анхаарлыг татах гол үзүүлэлт бол нийт зардал юм. Нийт зардлаас тооцох хүрээг 3%-иар сонгосон ба бусад хувь хэмжээгээр авах нь Санхүүгийн тайланд нөлөөлөх материаллаг хэмжээний алдаа хэт бага эсвэл өндөр гарахаар байгаа тул хувь хэмжээг 3% болгох нь зохистой гэж үзлээ.
--------------------	--

Онцлох асуудал

Хөдөө аж ахуйн салбарт тулгарч байсан байгалийн таагүй нөхцөл байдал болон технологийн хоцрогдол зэргээс үүдэн Өндөрхаан ХК нь санхүүгийн хүндрэлтэй байдалд орж, хөрөнгө мөнгөгүй болсны улмаас 2012 оноос хойш үндсэн үйл ажиллагаагаа явуулаагүй.

Тайлант хугацаанд компаний нэр, үйл ажиллагааны чиглэлийг өөрчлөн, урт хугацааны даатгалын үйл ажиллагаа явуулах ТУЗ-ийн тогтоол, бизнес төлөвлөгөө гаргасан ба 2022 онд дээрх шийдвэрийн дагуу эрх бүхий байгууллагаас тусгай зөвшөөрөл авч бүртгүүлэх, их хэмжээний хөрөнгө оруулалтыг энэ шинэ бизнесийн чиглэлдээ татан төвлөрүүлэхээр ажиллаж байна.

Удирдлага болон Засаглах эрх мэдэл бүхий этгээдүүдийн санхүүгийн тайланд хүлээх үүрэг хариуцлага

Компаний удирдлага эдгээр санхүүгийн тайлангуудыг Санхүүгийн тайлагналын олон улсын стандартын дагуу бэлтгэх, үнэн зөв толилуулах үүрэгтэй. Удирдлагын тодорхойлох энэхүү дотоод хяналт нь санхүүгийн тайланг аливаа алдаа эсвэл залилангийн улмаас үүсч болох материаллаг буруу илэрхийлэлгүй бэлтгэхэд шаардлагатай байдаг.

Удирдлага нь санхүүгийн тайланг бэлтгэхдээ Компанийн үйл ажиллагааг зогсоох юмуу татан буулгахаар төлөвлөсөн эсвэл ингэхээс өөр бодит сонголт байхгүй байхаас бусад тохиолдолд санхүүгийн тайлангуудыг гаргахдаа тасралтгүй байх зарчмын дагуу үйл ажиллагаагаа зогсолтгүй явуулах компанийн чадамжийг үнэлэх, боломжтой бол тасралтгүй байх зарчимтай холбоотой асуудлуудыг тодруулах, нягтлан бодох бүртгэлийн тасралтгүй байх суурийг хэрэглэх үүрэг хариуцлагыг хүлээнэ.

Засаглах эрх мэдэл бүхий этгээдүүд нь Компанийн санхүүгийн тайлагналын үйл явцад хяналт тавих үүрэг хариуцлагатай байна.

Санхүүгийн тайлагналын аудитад хүлээх аудиторын үүрэг хариуцлага

Залилан эсвэл алдаанаас үүссэн материаллаг буруу илэрхийллээс санхүүгийн тайланг нь бүхэлдээ анги эсэх талаарх үндэслэлтэй нотолгоо олж авах, дүгнэлт бүхий аудиторын тайлан гаргах нь бидний зорилго юм. Үл үндэслэлтэй нотолгоо гэдэг нь өндөр түвшний нотолгоо боловч АОУС-ын дагуу хийгдсэн аудитаар оршин байгаа материаллаг алдаа зөрчлийг илрүүлдэг гэсэн нотолгоо болохгүй.

Буруу илэрхийлэх явдал нь залилан эсвэл алдаанаас үүсч болох ба хэрэв тэр нь дангаараа эсвэл нийтдээ санхүүгийн тайланд үндэслэн гаргасан хэрэглэгчдийн эдийн засгийн шийдвэрт нөлөөлөх магадлалтай бол материаллагт тооцогддог.

Аудитор нь залилан зэрэг хууль бус асуудлуудыг илрүүлэх чадавхийг ямар цар хүрээнд авч үзсэн талаарх тайлбар

АОУС-ын дагуу аудитын нэг хэсэг байдлаар бид мэргэжлийн шийдэл ашиглаж аудитын ажлын явцад мэргэжлийн үл итгэх үзлийг хандлагыг баримтлан ажилладаг. Үүнд:

- Залилан эсвэл алдааны улмаас санхүүгийн тайлан материаллаг буруу илэрхийлэгдэх эрсдлийг тодорхойлж, түүнийг үнэлэн уг эрсдэлд тохирохуйц аудитын горимыг боловсруулан хэрэгжүүлж өөрсдийн дүгнэлтийнхээ үндэслэл болохуйц хангалттай, тохиромжтой аудитын баримт нотолгоог олж авдаг. Залилангаас үүссэн материаллаг буруу илэрхийллийг илрүүлэхгүй байх эрсдэл нь алдаанаас үүссэн буруу илэрхийллийг илрүүлэхгүй байх эрсдлээс харьцангуй их байдаг, учир нь залиланд хуйвалдаан, бичиг баримт хуурамчаар үйлдэх, санаатайгаар орхигдуулах, буруу илэрхийлэх болон дотоод хяналтыг орхигдуулах явдлууд багтсан байж болно.
- Компанийн дотоод хяналтын үр ашигтай байдалд санал дүгнэлт өгөх зорилгоор биш харин тухайн нөхцөл байдалд тохирохуйц аудитын горим боловсруулах зорилгоор аудитын ажилтай холбоотой дотоод хяналтын талаар ойлголт олж авдаг.
- Удирдлагын ашиглагдсан нягтлан бодох бүртгэлийн бодлогын тохиромжтой байдал, нягтлан бодох бүртгэлийн тооцоолол болон холбогдох тодруулгын ул үндэслэлтэй, байдлыг үнэлдэг.
- Нягтлан бодох бүртгэлийн тасралтгүй байх суурийг удирдлага зохистой хэрэглэсэн эсэх, мөн олж авсан аудитын баримт нотолгоонд үндэслэн компанийн тасралтгүй үйл ажиллагаагаа үргэлжлүүлэн явуулах чадамжид мэдэгдэхүйц эргэлзээ үүсгэхүйц үйл явдал, нөхцөл байдалтай холбоотой материаллаг тодорхой бус байдал оршин байгаа эсэхийг тодорхойлдог. Хэрэв материаллаг хэмжээний тодорхой бус байдал оршин байна гэж үзвэл аудиторын тайландаа санхүүгийн тайлангийн холбогдох тодруулгад анхаарал хандуулах эсвэл ийм тодруулга хийх нь хангалтгүй бол дүгнэлтээ өөрчлөх шаардлагатай болдог. Аудиторын тайлан гарах өдөр хүртэлх олж авсан аудитын баримт нотолгоондоо үндэслэн бид дүгнэлтээ гаргадаг. Гэхдээ ирээдүйн үйл явдал, эсвэл нөхцөл байдал Компани тасралтгүй байх зарчмын дагуу үйл ажиллагаагаа үргэлжлүүлэн явуулах боломжгүй болгоход хүргэж болно.
- Тодруулгыг багтаагаад санхүүгийн тайлангийн ерөнхий толилуулга, бүтэц, агуулгыг үнэлж санхүүгийн тайланд үнэн зөв толилуулгын шаардлагыг хангахуйц хэмжээнд гол гол ажил гүйлгээ, үйл явдлыг илэрхийлсэн эсэхийг тодорхойлдог.

Бид аудитын ажлын төлөвлөсөн хамрах хүрээ, цаг хугацаа болон аудитын явцад олж илрүүлсэн дотоод хяналтын мэдэгдэхүйц доголдлыг багтаагаад нөлөө бүхий аудитын илрүүлэлтүүд, бусад томоохон асуудлуудаар засаглах эрх мэдэл бүхий удирдлагатай харилцдаг.

Бид хараат бус байдлын талаар холбогдох ёс зүйн шаардлагуудад нийцсэн гэдгээ засаглах эрх мэдэл бүхий этгээдүүдэд мэдэгддэг ба мөн бид тэдгээр хүмүүстэй бүх харилцаа холбоо болон шаардлагатай гэж үзвэл холбогдох хамгаалалт зэрэг бидний хараат бус байдлын хүрээнд бодолцож үзвэл зохих асуудлуудаар харилцдаг.

Засаглах эрх мэдэл бүхий этгээдүүдтэй харилцсан асуудлуудаас тайлант үеийн санхүүгийн тайлангийн аудитад чухал асуудлуудыг тодорхойлж тэдгээр асуудлаа аудитын гол асуудлууд гэж үздэг. Хууль, дүрэм журмаар аливаа асуудлыг олон нийтэд мэдээллэхийг хориглосон эсвэл тун ховор тохиолдолд аудиторын тайландаа аливаа асуудлаар харилцах нь тухайн харилцаанаас хүртэх олон нийтийн үр өгөөжөөс илүү сөрөг үр дагавартай учраас аудиторын тайландаа харилцахгүй байх нь зүйтэй гэж үзсэнээс бусад тохиолдолд тэдгээр асуудлыг аудиторын тайландаа тодорхойлдог.

Бусад хууль тогтоомж, зохицуулалтын шаардлагын талаар

Монгол улсын Компанийн тухай хуулийн 92, 94-р зүйлд заасны дагуу сонирхлын зөрчилтэй этгээдтэй хийсэн ажил гүйлгээ, Үнэт цаасны зах зээлийн тухай хууль, Санхүүгийн Зохицуулах Хороо болон Монголын Хөрөнгийн Биржээс тогтоосон бусад мэдээлэл, Компанийн дүрэмд заасан бусад мэдээллийг тайлагнах үүрэгтэй бөгөөд эдгээр зүйлстэй холбоотой ямар нэгэн зөрчил илрээгүй болно.

Хараат бус аудиторын тайланг гаргахад оролцсон гэрээт ажлын Партнер нь Н.Эрдэнэцог болно.



Б.ОСОРГАРАВ
УДИРДАХ ПАРТНЕР

2022 оны 03 дугаар сарын 04

Санхүүгийн байдлын тайлан

Мянган төгрөгөөр	Тодруулга	2021 оны 12 сарын 31-ний үлдэгдэл	2020 оны 12 сарын 31-ний үлдэгдэл
Хөрөнгө			
Эргэлтийн хөрөнгө			
Мөнгө, түүнтэй адилтгах хөрөнгө	6	500	44
Дансны болон бусад авлага	7	2,976	34,341
Урьдчилж төлсөн зардал	8	100,504	-
Эргэлтийн хөрөнгийн дүн		103,980	34,385
Эргэлтийн бус хөрөнгө			
Ашиглах эрхтэй хөрөнгө, цэвэр	9	3,500	-
Эргэлтийн бус хөрөнгийн дүн		3,500	-
Нийт хөрөнгө		107,480	34,385
Өр төлбөр ба эздийн өмч			
Өр төлбөр			
Богино хугацаат өр төлбөр			
Дансны болон бусад өглөг	10	139,719	2,227
Богино хугацаат өр төлбөрийн дүн		139,719	2,227
Урт хугацаат өр төлбөр			
Түрээсийн өглөг	9	1,570	-
Урт хугацаат өр төлбөрийн дүн		1,570	-
Өр төлбөрийн нийт дүн		141,289	2,227
Эздийн өмч			
Хувьцаат капитал	11	11,188	11,188
Эздийн өмчийн бусад хэсэг		-	35,285
Хуримтлагдсан алдагдал		(44,997)	(14,315)
Эздийн өмчийн дүн		(33,809)	32,158
Өр төлбөр ба эздийн өмчийн дүн		107,480	34,385

Уг санхүүгийн байдлын тайланг 2022 оны 3 дугаар сарын 04-нд батлав:

Г.Цогбадрах
ТУЗ-ийн дарга

О.Амарболд
Гүйцэтгэх захирал

Б.Ундрал
Нягтлан бодогч

Хуудас 8-21-д харуулсан тодруулгууд нь энэхүү санхүүгийн байдлын тайлангийн салшгүй нэг хэсэг болно.

Орлогын дэлгэрэнгүй тайлан

Мянган төгрөгөөр	Тодруулга	2021 он	2020 он
Ерөнхий ба удирдлагын зардал	12	(32,945)	(1,096)
Үйл ажиллагааны алдагдал		(32,945)	(1,096)
Үндсэн бус үйл ажиллагааны ашиг	13	3,622	-
Татвар төлөхийн өмнөх алдагдал		(29,323)	(1,096)
Орлогын татварын зардал	14	(501)	-
Татварын дараах ашиг алдагдал		(29,824)	(1,096)
Зогсоосон үйл ажиллагааны татварын дараах ашиг (алдагдал)		-	-
Тайлант үеийн цэвэр алдагдал		(29,824)	(1,096)
Бусад дэлгэрэнгүй орлого		-	-
Орлогын нийт дүн		(29,824)	(1,096)
Нэгж хувьцаанд ногдох суурь ашиг (алдагдал)		(0.26)	(0.01)

Хуудас 8-21-д харуулсан тодруулгууд нь энэхүү орлогын дэлгэрэнгүй тайлангийн салшгүй нэг хэсэг болно.

Өмчийн өөрчлөлтийн тайлан

Мянган төгрөгөөр	Хувьцаат капитал	Эздийн өмчийн бусад хэсэг	Хуримтлагдсан алдагдал	Нийт дүн
2020 оны 01 сарын 01-ний үлдэгдэл	11,188	35,285	(13,219)	33,524
Нягтлан бодох бүртгэлийн бодлогын өөрчлөлтийн нөлөө, алдааны залруулга	-	-	-	-
Залруулсан үлдэгдэл	11,188	35,285	(13,219)	33,524
Тайлант үеийн цэвэр ашиг (алдагдал)	-	-	(1,096)	(1,096)
2020 оны 12 сарын 31-ний үлдэгдэл	11,188	35,285	(14,315)	32,158
Нягтлан бодох бүртгэлийн бодлогын өөрчлөлтийн нөлөө, алдааны залруулга	-	(35,285)	(858)	(36,143)
Залруулсан үлдэгдэл	11,188	-	(15,173)	(3,985)
Тайлант үеийн цэвэр ашиг (алдагдал)	-	-	(29,824)	(29,824)
2021 оны 12 сарын 31-ний үлдэгдэл	11,188	-	(44,997)	(33,809)

Хуудас 8-21-д харуулсан тодруулгууд нь энэхүү өмчийн өөрчлөлтийн тайлангийн салшгүй нэг хэсэг болно.

Мөнгөн гүйлгээний тайлан

Мянган төгрөгөөр	Тодруулга	2021 он	2020 он
Үндсэн үйл ажиллагааны мөнгөн гүйлгээ			
Мөнгөн орлогын дүн		-	-
Мөнгөн зарлагын дүн		12,544	-
Ажиллагчдад төлсөн		5,825	-
Нийгмийн даатгалын байгууллагад төлсөн		2,100	-
Бусад мөнгөн зарлага		4,619	-
Үндсэн үйл ажиллагааны цэвэр мөнгөн гүйлгээний дүн		(12,544)	-
Санхүүгийн үйл ажиллагааны мөнгөн гүйлгээ			
Мөнгөн орлогын дүн		13,000	-
Зээл авсан, өрийн үнэт цаас гаргаснаас хүлээн авсан		13,000	-
Мөнгөн зарлагын дүн		-	-
Санхүүгийн үйл ажиллагааны цэвэр мөнгөн гүйлгээний дүн		13,000	-
Бүх цэвэр мөнгөн гүйлгээ		456	-
Мөнгө, түүнтэй адилтгах хөрөнгийн эхний үлдэгдэл	7	44	44
Мөнгө, түүнтэй адилтгах хөрөнгийн эцсийн үлдэгдэл	7	500	44

Хуудас 8-21-д харуулсан тодруулгууд нь энэхүү санхүүгийн тайлангийн салшгүй нэг хэсэг болно.

Санхүүгийн тайлангийн тодруулгууд

1. Үйл ажиллагааны онцлог, ерөнхий мэдээлэл

“Өндөрхаан” ХК нь анх 1992 онд өмч хувьчлалаар үүсгэн байгуулагдсан бөгөөд Хэнтий аймгийн “Өндөрхаан” сангийн аж ахуйг аймгийн өмч хувьчлалын комиссоос гурван хувьцаат компани болгон өөрчлөн байгуулсны нэг юм. Үүсгэн байгуулагдснаас хойш Өндөрхаан ХК нь мал аж ахуй, газар тариалан, төмс, хүнсний ногоо тариалах чиглэлээр үйл ажиллагаагаа явуулж байсан. Гэвч, хөдөө аж ахуйн салбарт тулгарч байсан байгалийн таагүй нөхцөл байдал болон технологийн хоцрогдол зэргээс үүдэн Өндөрхаан ХК нь санхүүгийн хүндрэлтэй байдалд орж, хөрөнгө мөнгөгүй болсны улмаас 2012 оноос хойш үндсэн үйл ажиллагаагаа явуулаагүй байна. Монгол улсын хуулийн дагуу 2007 оны 10-р сарын 25-нд Улсын бүртгэлийн албанд бүртгүүлж, 2035987 регистрийн дугаартай, 000133505 тоот улсын бүртгэлийн гэрчилгээ авсан.

Үндсэн үйл ажиллагааны чиглэл нь дараах байдалтай байна. Үүнд:

- Үр тариа болон бусад ургамал тариалалт
- Үр тарианы гурил үйлдвэрлэл
- Хүнсний ногоо, үрслэг тариалалт
- Мал аж ахуй

2022 оноос компани нь үйл ажиллагааны чиглэлийг өөрчлөн, урт хугацааны даатгалын үйл ажиллагаа явуулах бизнес төлөвлөгөө гаргасан ба их хэмжээний хөрөнгө оруулалтыг энэ шинэ бизнесийн чиглэлдээ татан төвлөрүүлэхээр ажиллаж байна

Компанийн зарласан хувьцаа нь нэг бүр нь 100 төгрөгийн нэрлэсэн үнэ бүхий 111,879 ширхэг энгийн хувьцаатай. Тодруулга №15-с хувьцаа эзэмшил, хяналтын харилцааны талаарх мэдээллийн дэлгэрэнгүйг харна уу.

Бүртгэгдсэн хаяг: Хэнтий, Хэрлэн, 5-р баг, Өндөрхаан, 01

2. Ерөнхий мэдээлэл, СТОУС-ын хэрэглээ, тасралтгүй үйл ажиллагааны таамаглал

Эдгээр санхүүгийн тайланг Нягтлан бодох бүртгэлийн Олон улсын стандартын зөвлөл (“НББОУСЗ”)-өөс баталсан Санхүүгийн тайлагналын олон улсын стандарт (“СТОУС”)-д (эсвэл) нийцүүлэн бэлтгэсэн болно.

Эдгээр санхүүгийн тайланг Нягтлан бодох бүртгэлийн Олон улсын стандартын зөвлөл (“НББОУСЗ”)-өөс баталсан Санхүүгийн тайлагналын олон улсын стандарт (“СТОУС”)-ын дагуу бэлтгэсэн.

Эдгээр зааварт санхүүгийн тайлангуудын хүлээн зөвшөөрөлт болон хэмжилтийг Санхүүгийн Тайлагналын Олон Улсын Стандарт (СТОУС)-ын дагуу бэлтгэхийг шаарддаг хэдий ч, СТОУС-ын толилуулга болон тодруулгын шаардлагуудыг дагаж мөрддөггүй.

Эдгээр санхүүгийн тайланг компани нь тасралтгүй байх зарчмын дагуу бэлтгэсэн.

2021 оны 12 дугаар сарын 31-нээр дуусгавар болсон санхүүгийн тайлангууд түүний тодруулгуудыг 2022 оны 03 дугаар сарын 04-ний өдөр байгууллагын удирдлага баталсан.

Тасралтгүй үйл ажиллагаа

НББОУС 1-д заасны дагуу удирдлага нь тайлант хугацаанаас хойш багадаа 12 сарын ирээдүйн хугацаанд үйл ажиллагаагаа тасралтгүй явуулахад эргэлзээ төрүүлэх асуудлууд байгаа эсэхийг үнэлэх шаардлагатай. Ийнхүү үнэлэхдээ одоогийн болон хүлээгдэж буй ашигт ажиллагаа, зээлийн эргэн төлөлтийн хуваарь, боломжит санхүүжилтийн эх үүсвэр болон үйл ажиллагаагаа үргэлжлүүлэн явуулах чадавхи зэрэг өргөн хүрээний хүчин зүйлсийг харгалзан үзнэ.

Компани санхүүгийн тайлангаа тасралтгүй үйл ажиллагааны зарчимд үндэслэн бэлтгэсэн бөгөөд энэ нь Компани ойрын ирээдүйд хөрөнгөө бизнестээ хэвээр үлдээж, өр төлбөрөө төлж, үйл ажиллагаагаа тасралтгүй хэвийн явуулна гэдгийг илэрхийлнэ.

Компани нь үйл ажиллагааны чиглэлийг өөрчлөн, урт хугацааны даатгалын үйл ажиллагаа явуулах бизнес төлөвлөгөө гаргасан ба их хэмжээний хөрөнгө оруулалтыг энэ шинэ бизнесийн чиглэлдээ татан төвлөрүүлэхээр ажиллаж байна.

3. Шинэ болон өөрчлөлт орсон стандартууд болон хэрэглээний тайлбарууд

3.1. 2021 оны 1 дүгээр сарын 1-нээс хэрэгжүүлж эхэлсэн шинэ стандартууд

2021 оны 1 дүгээр сарын 1-нээс хүчин төгөлдөр мөрдөгдөж эхлэх Бенчмарк хүүгийн түвшний реформ 2 үе шат, СТОУС-4 “Даатгалын гэрээ”-ний нэмэлт өөрчлөлт-СТОУС 9-ийн хэрэгжилтийг хойшлуулах болон 2021 оны 4 дүгээр сарын 1-нээс мөрдөгдөж эхлэх СТОУС 16 “Түрээсийн нэмэлт өөрчлөлт-COVID19-тэй холбоотой түрээсийн хөнгөлөлт бөгөөд тэдгээр нь байгууллагын санхүүгийн үр дүн болон байдалд томоохон нөлөө үзүүлэхээргүй байна.

3.2. Хүчин төгөлдөр болоогүй буюу хэрэглэж эхлээгүй стандартууд, стандартын нэмэлт өөрчлөлт болон тайлбарууд

Санхүүгийн тайланг баталсан өдрийн байдлаар хүчин төгөлдөр мөрдөх хугацаа болоогүй СТОУС3-“Бизнесийн нэгдэл”-ийн нэмэлт өөрчлөлт-Суурь үзэл баримтлалуудын лавлагаа болон бусад стандарт, стандартын нэмэлт өөрчлөлтүүдийг байгууллага нь урьдчилан мөрдөж эхлээгүй байгаа юм.

Байгууллагын удирдлага тухайн өөрчлөлтүүдийг хүчин төгөлдөр болох өдөр эсвэл түүний дараагаар мөрдөж эхлэхээр төлөвлөж байна. Тайлант онд дагаж мөрдөх шаардлагагүй тухайн өөрчлөлтүүдийг тодруулаагүй ба тэдгээр нь санхүүгийн тайланд материаллаг нөлөөлөл үзүүлэхгүй.

4. Нягтлан бодох бүртгэлийн гол бодлогууд

4.1. Бүртгэлийн суурь

Эдгээр санхүүгийн тайланг аккруэль сууриар бэлтгэсэн ба үндсэн хөрөнгийн дахин үнэлгээ, хөрөнгө оруулалт болон тодорхой санхүүгийн хэрэглүүрүүдээс бусад зүйлсийг түүхэн өртгийн сууриар бэлтгэсэн.

4.2. Гадаад валют хөрвүүлэлт

Үйл ажиллагааны болон толилуулгын валют

Санхүүгийн тайлангууд нь Монгол төгрөгөөр илэрхийлэгддэг.

Гадаад валютаарх ажил гүйлгээ болон үлдэгдэл

Санхүүгийн тайланг бэлтгэхэд үйл ажиллагааны валютаас бусад валютаарх ажил гүйлгээг ажил гүйлгээ гарсан өдөр Монгол банкнаас зарласан ханшаар бүртгэнэ. Тайлант хугацаа бүрийн эцэст гадаад валютаар илэрхийлэгдсэн мөнгөн зүйлсийг Монгол банкнаас тайлагналын өдрөөр зарласан ханшийг ашиглан дахин хөрвүүлэх бөгөөд 2021 оны 12 дугаар сарын 31-нд төгрөгийн амдоллартай харьцах ханш 2,848.80 байв (2020 оны 12 дугаар сарын 31-нд: 1 ам.доллар 2,849.51 төгрөг)

Мөнгөн бус зүйлсийг дахин хөрвүүлэхгүй бөгөөд бодит үнэ цэнэ тодорхойлогдсон өдрийн ханшаар дахин хөрвүүлсэн гадаад валютаар илэрхийлэгдсэн бодит үнэ цэнээр бүртгэсэн мөнгөн бус

зүйлсээс бусад мөнгөн бус зүйлсийг ажил гүйлгээ гарсан өдрийн валютын ханшийг ашиглан хөрвүүлсэн түүхэн өртгөөр хэмжинэ.

Мөнгөн зүйлсийг дахин хөрвүүлэх болон төлбөр тооцоо хийхэд үүссэн ханшийн зөрүүг тухайн хугацааны ашиг, алдагдалд багтаана. Мөнгөн бус зүйлсийн хөрвүүлгээс үүссэн зөрүүнийн олз, гарзыг шууд өмчид хүлээн зөвшөөрснөөс бусад тохиолдолд бодит үнэ цэнээр илэрхийлгэдсэн мөнгөн бус зүйлсийн дахин хөрвүүлгээс үүссэн ханшийн зөрүүг тайлант хугацааны ашиг, алдагдалд багтаана. Тийм мөнгөн бус зүйлсийн хувьд олз, гарзын аливаа ханшийн зөрүүний хэсгийг шууд өмчид хүлээн зөвшөөрнө.

4.3. Мөнгө ба түүнтэй адилтгах хөрөнгө

Мөнгөн гүйлгээний тайлан бэлтгэх зорилгоор Мөнгөтэй адилтгах хөрөнгөнд үнэ цэнийг нь өөрчлөх өчүүхэн бага эрсдэлийг мэдэрдэг, мөнгөний тодорхой дүнд чөлөөтэй хувирдаг, хөрвөх чадвар сайтай богино хугацааны хөрөнгө оруулалт зэргийг хамруулдаг. Мөнгөтэй адилтгах хөрөнгийг хөрөнгө оруулалт болон бусад зорилгоос илүү богино хугацаат өр төлбөрийг барагдуулах зорилгоор эзэмшдэг. Хэрэв мөнгөтэй адилтгах хөрөнгийн үнэ цэнийг нь өөрчлөх өчүүхэн бага эрсдэлийг мэдэрдэг, мөнгөний тодорхой дүнд чөлөөтэй хувирдаг бол компани нь хөрөнгө оруулалтыг мөнгөтэй адилтгах хөрөнгөөр ангилна.

4.4. Санхүүгийн хэрэглүүр

Хүлээн зөвшөөрөлт ба үл хүлээн зөвшөөрөлт

Компани нь тухайн санхүүгийн хэрэглүүрт хамаарах гэрээний оролцогч тал болсон үед санхүүгийн хөрөнгө, өр төлбөрийг хүлээн зөвшөөрдөг.

Санхүүгийн хөрөнгөөс бий болох мөнгөний урсгал дах гэрээний эрх дуусгавар болоход эсвэл санхүүгийн хөрөнгөнд хамаарах бүх бодит эрсдэл, өгөөж шилжихэд санхүүгийн хөрөнгийг үл хүлээн зөвшөөрнө.

Санхүүгийн хөрөнгийн ангилал ба анхдагч хэмжилт

Санхүүгийн хувьд чухал бүрэлдэхүүн хэсэг агуулаагүй дансны авлага болон СТОУС 15-ын дагуу ажил гүйлгээний үнээр бүртгэхээс бусад бүх санхүүгийн хөрөнгийг ажил гүйлгээний зардлыг тохируулсан бодит үнэ цэнээр хэмжинэ.

Хейджийн хэрэглүүрээс бусад санхүүгийн хөрөнгийг дараах байдлаар ангилна. Үүнд:

- Хорогдуулсан өртөг
- Бодит үнэ цэнийн өөрчлөлтийг бусад дэлгэрэнгүй орлогод илэрхийлэх санхүүгийн хөрөнгө (БҮЦБДО)
- Бодит үнэ цэнийн өөрчлөлтийг нь ашиг алдагдалд бүртгэх санхүүгийн хөрөнгө (БҮЦАА)

Тайлант онд компанид БҮЦБДО-оор ангилагдах санхүүгийн хөрөнгө байхгүй байна. Ангиллыг тодорхойлохдоо:

- Санхүүгийн хөрөнгийг зохицуулах бизнесийн загвар
- Санхүүгийн хөрөнгийн гэрээлсэн мөнгөн урсгалын шинж чанарыг тус тус харгалзан үзнэ.

Санхүүгийн хөрөнгөтэй холбоотой бүх орлого болон зардал нь санхүүгийн зардал, санхүүгийн олз болон бусад санхүүгийн зүйлсээр орлого болон зардалд хүлээн зөвшөөрөгдөх ба харин дансны авлагын үнэ цэнийн бууралтыг бусад зардлаар хүлээн зөвшөөрнө.

Санхүүгийн хөрөнгийн дараа үеийн хэмжилт

Хорогдуулсан өртгөөр бүртгэх санхүүгийн хөрөнгө

Дараах хоёр нөхцөл биелсэн тохиолдолд санхүүгийн хөрөнгийг хорогдуулсан өртгөөр хэмжинэ (БҮЦАА-аар ангилагдаагүй үед):

- Тухайн санхүүгийн хөрөнгийг гэрээний мөнгөн урсгал “цуглуулах зорилгоор санхүүгийн хөрөнгө эзэмшдэг” бизнесийн загварын хүрээнд эзэмшиж байгаа бол, мөн
- Тухайн санхүүгийн хөрөнгийн мөнгөн урсгал нь “зөвхөн үндсэн ба хүүгийн төлбөр” (SPPI) байвал.

Санхүүгийн хөрөнгийг анх хүлээн зөвшөөрсний дараа хорогдуулсан өртгөөс үнэ цэнийн бууралтын хасагдуулгыг хассан дүнгээр хэмжинэ. Хүүг үр ашигт хүүгийн аргаар тооцоолно. Анхны үнэ цэнийн бууралтын хасагдуулга болон дараа үеийн өөрчлөлтүүдийг ашиг, алдагдалд хүлээн зөвшөөрнө.

Бодит үнэ цэнийн өөрчлөлтийг ашиг, алдагдалд бүртгэх санхүүгийн хөрөнгө (БҮЦАА)

Хорогдуулсан өртгөөр хэмжих эсвэл бодит үнэ цэнийн өөрчлөлтийг бусад дэлгэрэнгүй орлогод илэрхийлэх ангиллын шаардлагад нийцэхгүй санхүүгийн хөрөнгийн бодит үнэ цэнийн өөрчлөлтийг ашиг, алдагдалд бүртгэнэ.

Мөн тодорхой тохиолдолд санхүүгийн хөрөнгийн бодит үнэ цэнийн өөрчлөлтийг ашиг, алдагдалд бүртгэхээр тогтож болно. Тухайлбал компани дараа үед хорогдуулсан өртгөөр хэмжих эсвэл бодит үнэ цэнийн өөрчлөлтийг бусад дэлгэрэнгүй орлогод илэрхийлэх санхүүгийн хөрөнгийг анх хүлээн зөвшөөрөхдөө бодит үнэ цэнийн өөрчлөлтийг ашиг, алдагдалд бүртгэх сонголт хийж болно.

Ийм сонголтыг зөвхөн нягтлан бодох бүртгэлийн зөрүүтэй байдлыг арилгах эсвэл ихээхэн хэмжээгээр бууруулж байгаа тохиолдолд хийнэ.

Дээрх сонголтыг бүх ижил төстэй ажил гүйлгээнд мөрдөх шаардаагүй. Харин энэ нь илүү мэдээлэл бий болгож байгаа тохиолдолд банк сонгож болох хувилбар юм.

Бодит үнэ цэнийн өөрчлөлтийг бусад дэлгэрэнгүй орлогод илэрхийлэх санхүүгийн хөрөнгө (БҮЦБДО)

Дараах хоёр нөхцөл биелсэн тохиолдолд санхүүгийн хөрөнгийн бодит үнэ цэнийн өөрчлөлтийг бусад дэлгэрэнгүй орлогод илэрхийлнэ:

- Тухайн санхүүгийн хөрөнгийг гэрээний мөнгөн урсгал "цуглуулах ба борлуулах зорилгоор санхүүгийн хөрөнгө эзэмшдэг" бизнесийн загварын хүрээнд эзэмшиж байгаа бол, мөн
- Тухайн санхүүгийн хөрөнгийн мөнгөн урсгал нь "зөвхөн үндсэн ба хүүгийн төлбөр" (SPPI) байвал.

Хөрөнгийг үл хүлээн зөвшөөрөх үед бусад дэлгэрэнгүй орлогод хүлээн зөвшөөрөгдсөн олз, гарзыг ашиг, алдагдалд дахин ангилна.

Санхүүгийн хөрөнгийн үнэ цэнийн бууралт

СТОУС 9-ийн дагуу хүлээгдэж буй зээлийн алдагдлын үнэ цэнийн бууралтыг тооцохдоо илүү ирээдүйд чиглэсэн мэдээлэлд суурилах болсон ба үүнийг хүлээгдэж буй зээлийн алдагдлын аргачлал гэж нэрлэдэг.

Энэхүү шаардлагын дагуу хорогдсон өртгөөр болон БҮЦБДО-оор хэмжигдэх зээл, бусад өрийн төрлийн санхүүгийн хөрөнгүүд, дансны авлага, СТОУС 15-ын дагуу хүлээн зөвшөөрөгдөн, хэмжигдсэн гэрээний хөрөнгө, зээлийн үүрэг болон БҮЦАА-аар хэмжигддэггүй зарим санхүүгийн баталгааны гэрээг хамруулна.

Зээлийн алдагдлыг хүлээн зөвшөөрөхөд компани нь зээлийн алдагдал үүсэх нөхцөл бий болохыг хүлээх шаардлагагүй болсон. Үүний оронд компани нь зээлийн эрсдэлийг үнэлэх болон хүлээгдэж буй зээлийн алдагдлыг хэмжихдээ өнгөрсөн үйл явдлууд, одоогийн нөхцөл байдал, хэрэглүүрийн ирээдүйн мөнгөн урсгалын хүлээгдэж буй цуглуулгад нөлөөлөх үндэслэлтэй дэмжигдэхүйц тамааглал зэрэг мэдээллийг харгалзан үздэг.

Тус аргачлалыг ашиглахад дараах зүйлсийг ялгаж харах шаардлагатай. Үүнд:

- Тухайн санхүүгийн хөрөнгийг хүлээн зөвшөөрснөөс хойш түүний зээлийн эрсдэл их хэмжээгээр нэмэгдээгүй, тайлант хугацааны үеэр бага эрсдэлтэй байгаа бол (Шатлал 1)
- Анхны хүлээн зөвшөөрөлтөө хойш зээлийн чанар мэдэгдэхүйц муудсан, зээлийн эрсдэл бага биш байгаа санхүүгийн хэрэглүүрүүд (Шатлал 2)
- Шатлал 3 нь тайлагналын өдөр үнэ цэнэ бууралтын бодит нотолгоо олдсон санхүүгийн хөрөнгүүдийг хамруулна.

Дараагийн 12 сард хүлээгдэж буй зээлийн алдагдлыг Шатлал 1-д, нийт хугацаанд хүлээгдэж буй зээлийн алдагдлыг Шатлал 2-д хүлээн зөвшөөрнө.

Хүлээгдэж буй зээлийн алдагдлыг хэмжихдээ санхүүгийн хэрэглүүрийн хүлээгдэж буй хугацаанд зээлийн алдагдлын магадлалын жингийн тооцооллоор тодорхойлно.

Дансны болон бусад авлага, гэрээний хөрөнгө

Компани нь дансны болон бусад авлагын авлага, гэрээний хөрөнгийг хялбаршуулсан аргаар нягтлан бодох бүртгэлд тусгадаг бөгөөд алдагдлын нөөцийг хүлээгдэж буй зээлийн алдагдлын аргаар бүртгэдэг. Эдгээр нь санхүүгийн хэрэглүүрийн ашиглалтын хугацааны аль ч үед төлбөр төлөгдөхгүй (дефолт) болох магадлалыг харгалзан үзсэн гэрээний мөнгөн урсгалын хүлээгдэж буй дутагдал юм. Нөөцийн матрицыг ашиглан хүлээгдэж буй зээлийн алдагдлыг тооцоолоходоо компани нь өөрийн түүхэн туршлага, гадаад хүчин зүйлс, ирээдүйд чиглэсэн мэдээллийг ашигладаг.

Компани нь дансны авлагын үнэ цэнийн бууралтыг тооцоходоо хугацаа хэтэрсэн өдрүүдээр нь бүлэглэн зээлийн эрсдэлийн шинж чанарт ангилан үнэлнэ. СТОУС 9-ийн үнэ цэнийн бууралтын шаардлагыг хэрхэн хэрэгжүүлж байгаа талаар нарийвчилсан шинжилгээг тодруулга 17-с үзнэ үү.

Санхүүгийн өр төлбөрийн ангилал болон хэмжилт

Компанийн санхүүгийн өр төлбөрт зээл, дансны болон бусад өглөг, бусад санхүүгийн хэрэглүүрүүд орно.

Санхүүгийн өр төлбөрийг БУЦАА-с өөрөөр хэмжих үед ажил гүйлгээний үнэ цэнийг тохируулсан бодит үнэ цэнээр нь хэмждэг.

Дараа үед санхүүгийн өр төлбөрийг БУЦАА-р тодорхойлсон санхүүгийн өр төлбөр болон деривативаас бусад тохиолдолд үр ашигт хүүгийн арга ашиглан хорогдсон өртгөөр хэмжинэ. Бодит үнэ цэнийн олз гарзыг ашиг, алдагдлаар хүлээн зөвшөөрнө. Бүх хүүтэй холбоотой зардал болон санхүүгийн хэрэглүүрийн бодит үнэ цэнийн өөрчлөлтийг санхүүгийн зардал эсвэл санхүүгийн орлогоор хүлээн зөвшөөрнө.

4.5. Урьдчилж төлсөн зардал

Тухайн тайлант хугацаанд хамааруулан зардал гэж зөвшөөрч бүртгэхээс өмнө төлбөрийг нь урьдчилж төлсөн зарлагыг санхүүгийн байдлын тайлангийн хөрөнгийн зүйл ангид хамааруулан урьдчилж төлсөн зардал гэж бүртгэнэ. Ийм төрлийн зардлуудыг дараагийн тайлант үеийн холбогдох зардалд нь шингээнэ.

Бараа материал, бусад зүйлсийг худалдан авахаар төлсөн урьдчилгааг урьдчилж төлсөн тооцоонд хамааруулна.

4.6. Үндсэн хөрөнгө

Барилга, компьютер дагалдах хэрэглүүр болон бусад тоног төхөөрөмжийг зэрэг хөрөнгийг ашиглалтын байршилд авч ирэхэд гарсан зардлууд болон тухайн хөрөнгийг зориулалтын дагуу ашиглахад шаардлагатай гарсан зардлуудыг хамруулан худалдан авсан өртөг эсвэл үйлдвэрлэлийн өртгөөр анхлан бүртгэнэ. Санхүүгийн түрээсийн хөрөнгүүдийг барилга болон компьютер дагалдах хэрэглүүрийн адил бүртгэнэ. Ажил үйлчилгээний үйлдвэрлэл, нийлүүлэлтийн зорилгоор ашиглаж буй зэрэг хөрөнгүүдийг санхүүгийн тайланд дахин үнэлсэн дүн буюу дахин үнэлгээ хийсэн өдрөөрх дүнгээс дараа үеийн хуримтлагдсан элэгдсэн болон дараа үеийн үнэ цэнийн бууралтын алдагдлыг хассан дүнгээр тайлагнана.

Элэгдлийг хөрөнгө тус бүрийн ашиглах хугацаагаар шулуун шугамын аргаар тооцож, ашиг алдагдлаар тусгана. Хөрөнгийг ашиглах боломжтой болсон үед элэгдүүлж эхэлнэ.

4.7. Өмч, нөөц, ногдол ашгийн төлбөр

Хувьцаат капитал нь гаргасан хувьцааны нэрлэсэн үнийг илэрхийлнэ.

Халаасны хувьцаа нь Компани гүйлгээнд гаргасан хувьцаагаа зах зээлээс эргүүлэн худалдан авах үед худалдан авсан хувьцааны дүнгээр өмчийн буюу хувьцаат капиталын дүнг бууруулна.

Нэмж төлөгдсөн капиталд хувьцаат капитал гаргаснаас хүлээж авсан аливаа урамшуулал орно. Хувьцаа гаргахтай холбоотой аливаа ажил гүйлгээний зардлыг холбогдох татвар суутгасан цэвэр дүнгээр нэмж төлөгдсөн капиталас хасна.

Өмчийн бусад хэсэгт дараах зүйлс багтдаг. Үүнд:

- Хуримтлагдсан алдагдалд тайлант болон өмнөх хугацааны бүх ашиг, алдагдал багтана. (Тодруулга 11-с харна уу)

4.8. Орлогын албан татвар

Тайлант үеийн татвар гэдэг нь тайлант оны эцсээр хүчинтэй болсон эсвэл хүчин төгөлдөр мөрдөгдөж буй татварын хувь хэмжээг ашиглан тухайн оны татвар ногдох орлогод төлөх татварын өглөг болон өмнөх онуудтай холбоотой татварын өглөгийн залруулга юм.

Хойшлогдсон татварыг санхүүгийн тайлан дах хөрөнгө, өр төлбөрийн дансны үнэ болон татвар ногдох ашгийн тооцоололд ашиглан холбогдох татварын суурь хоорондын түр зөрүүгээр хүлээн зөвшөөрнө. Хойшлогдсон татварын өр төлбөрийг ерөнхийдөө бүх татвар ногдох түр зөрүүнд хүлээн зөвшөөрдөг. Хойшлогдсон татварын хөрөнгийг ерөнхийдөө түр хасагдах зөрүүг ашиглаж болохуйц хэмжээний татвар ногдох ашиг олох магадлалтай байгаа үед бүх хасагдах түр зөрүүнд хүлээн зөвшөөрнө. Ийм хойшлогдсон татварын хөрөнгө, өр төлбөрийг гүүдвилийн анхдагч хүлээн зөвшөөрөлт эсвэл ажил гүйлгээн дэх бусад хөрөнгө, өр төлбөрийн анхдагч хүлээн зөвшөөрөлт нь татвар ногдох орлого ба нягтлан бодох бүртгэлийн ашгийн аль алинд нөлөөлөхгүй байвал хүлээн зөвшөөрөхгүй.

Хойшлогдсон татварын хөрөнгийн дансны үнийг тайлант хугацаа бүрийн эцэст эргэж харах ба хангалттай хэмжээний татвар ногдох орлогоор тухайн хөрөнгө бүхлээрээ эсвэл тодорхой хэсэг нь нөхөгдөх боломжтой болох үед бууруулна.

Хойшлогдсон татварын хөрөнгө, өр төлбөр нь хүчин төгөлдөр мөрдөгдөж буй эсвэл тайлант оны эцсээр хүчин төгөлдөр болсон татварын хувь хэмжээ (болон татварын хууль)-нд үндэслэн тухайн өр төлбөрийг барагдуулах эсвэл хөрөнгийг хүлээн зөвшөөрөх тайлант онд мөрдөгдөхөөр хүлээгдэж буй татварын хувь хэмжээгээр хэмжигдэнэ. Хойшлогдсон татварын хөрөнгө, өр төлбөрийн хэмжилт нь тайлант хугацааны эцэст компани хөрөнгө ба өр төлбөрийн дансны үнийг нөхөх буюу барагдуулахаар хүлээж байгаагаас үүсэх татварын үр дагаварт нөлөөлдөг.

5. Санхүүгийн хөрөнгө болон санхүүгийн өр төлбөр

5.1. Санхүүгийн хөрөнгө, өр төлбөрийн ангилал

Тодруулга 4.4 -д санхүүгийн хөрөнгө болон өр төлбөрийн ангилал бүрийн тайлбар, холбогдох бүртгэлийн бодлогыг тодруулсан. Санхүүгийн хөрөнгө болон өр төлбөр нь ангилал тус бүрээр дараах байдалтай байна:

2021 оны 12 сарын 31-ний байдлаар	Хорогдуулсан өртөг	Бодит үнэ цэнийн өөрчлөлт	Нийт
Санхүүгийн хөрөнгө			
Дансны болон бусад авлага *	2,833	-	2,833
Мөнгө, түүнтэй адилтгах хөрөнгө	500	-	500
Санхүүгийн хөрөнгийн дүн	3,333	-	3,333
Санхүүгийн өр төлбөр			
Дансны болон бусад өглөг *	136,489	-	136,489
Санхүүгийн өр төлбөрийн дүн	136,489	-	136,489

* Дансны болон бусад авлага, өгтөгт зөвхөн санхүүгийн хөрөнгийг толилуулсан.

2020 оны 12 сарын 31-ний байдлаар	Хорогдуулсан өртөг	Бодит үнэ цэнийн өөрчлөлт	Нийт
Санхүүгийн хөрөнгө			
Дансны болон бусад авлага	34,330	-	34,330
Мөнгө, түүнтэй адилтгах хөрөнгө	44	-	44
Санхүүгийн хөрөнгийн дүн	34,374	-	34,374
Санхүүгийн өр төлбөр			
Дансны болон бусад өглөг	2,227	-	2,227
Санхүүгийн өр төлбөрийн дүн	2,227	-	2,227

Компанийн эрсдэлийн удирдлагын зорилго, бодлого зэрэг санхүүгийн хэрэглүүрийн эрсдэлийн тодруулгыг тодруулга 17-с харна уу.

6. Мөнгө, түүнтэй адилтгах хөрөнгө

Мөнгө, түүнтэй адилтгах хөрөнгө нь дараахаас бүрдэнэ:

Мянган төгрөгөөр	2021 оны 12 сарын 31-ний үлдэгдэл	2020 оны 12 сарын 31-ний үлдэгдэл
Бэлэн мөнгө	20	44
Банкны үлдэгдэл		
- Төгрөг	480	-
Мөнгө, түүнтэй адилтгах хөрөнгийн дүн	500	44

7. Дансны болон бусад авлага

Мянган төгрөгөөр	2021 оны 12 сарын 31-ний үлдэгдэл	2020 оны 12 сарын 31-ний үлдэгдэл
Дансны авлага	-	34,330
Ажиллагсадаас авах авлага	2,833	-
Санхүүгийн хөрөнгийн дүн	2,833	34,330
Татварын авлага	143	11
Санхүүгийн бус хөрөнгийн дүн	143	11
Дансны болон бусад авлагын дүн	2,976	34,341

ТУЗ-ийн хурлын 2021 оны 10 сарын 20-ны өдрийн 01 тоот тогтоолд үндэслэн, хоорондоо тохиролцох боломжгүй хэлцэл хийсэн гэж үзсэн 34,330 мянган төгрөгийн дансны авлагыг данснаас хассан байна.

8. Урьдчилж төлсөн зардал

Мянган төгрөгөөр	2021 оны 12 сарын 31-ний үлдэгдэл	2020 оны 12 сарын 31-ний үлдэгдэл
Андеррайтерын үйлчилгээний урьдчилгаа	100,000	-
Бусад урьдчилгаа*	504	-
Урьдчилж төлсөн зардал	100,504	-

*“Монгол Ньюс” ХХК-д олгосон үйлчилгээний урьдчилгаа төлбөр байна.

Урьдчилж төлсөн зардлын хөдөлгөөн дараах байдалтай байна:

Мянган төгрөгөөр	2021 оны 12 сарын 31-ний үлдэгдэл	2020 оны 12 сарын 31-ний үлдэгдэл
Эхний үлдэгдэл	-	-
Нэмэгдсэн	111,304	-
Хасагдсан (зардлаар хүлээн зөвшөөрсөн)	10,800	-
Урьдчилж төлсөн зардлын дүн	100,504	-

9. Түрээс

9.1. Ашиглах эрхтэй хөрөнгө

Мянган төгрөгөөр	Барилга	Бусад	Нийт
Дансны үнэ			
2021 оны 1 сарын 1-ний үлдэгдэл	-	-	-
Нэмэгдсэн	-	3,500	3,500
2021 оны 12 сарын 31-ний үлдэгдэл	-	3,500	3,500
Элэгдэл болон үнэ цэнийн бууралт			
2021 оны 1 сарын 1-ний үлдэгдэл	-	-	-
2021 оны 12 сарын 31-ний үлдэгдэл	-	-	-
Дансны үнэ - 2021 оны 12 сарын 31-ний үлдэгдэл	-	3,500	3,500

9.2. Түрээсийн өр төлбөр

Түрээсийн өр төлбөрийг санхүүгийн байдлын тайланд дараах байдлаар толилуулсан:

Мянган төгрөгөөр	2021 оны 12 сарын 31-ний үлдэгдэл	2020 оны 12 сарын 31-ний үлдэгдэл
Богино хугацаат	1,930	-
Урт хугацаат	1,570	-
Нийт	3,500	-

Тайлант хугацаанд “Ард Лизинг” ХХК-иас 3,500 мянган төгрөгийн үнэ бүхий зөөврийн компьютерийг санхүүгийн түрээсээр түрээслэсэн байна. Дараах хүснэгтэд компанийн түрээсийн үйл ажиллагааг ашиглах эрхтэй хөрөнгийн төрөл тус бүрээр харуулав:

Ашиглах эрхтэй хөрөнгө	Түрээсэлсэн хөрөнгийн тоо	Түрээсийн хугацаа	Хугацааг сунгах сонголттой түрээсийн тоо	Худалдаж авах сонголттой түрээсийн тоо	Хувьсах төлбөрийн нөхцөлтэй түрээсийн тоо	Цуцлах сонголттой түрээсийн тоо
Зөөврийн компьютер	1	24 сар	-	1	-	-

Түрээсийн өр төлбөр нь санхүүгийн түрээсийн дагуу эзэмшиж байгаа хөрөнгөөр баталгаажсан байна. Тайлант жилийн эцсээр санхүүгийн түрээсийн хамгийн бага төлбөр нь дараах байдалтай байна:

Мянган төгрөгөөр	1 жилийн дотор	1-2 жил	Нийт
2021 оны 12 сарын 31	1,930	1,570	3,500
Түрээсийн төлбөр	1,930	1,570	3,500
Санхүүгийн зардал	627	238	865
Цэвэр өнөөгийн үнэ цэнэ	1,930	1,570	3,500

10. Дансны ба бусад өглөг

Мянган төгрөгөөр	2021 оны 12 сарын 31-ний үлдэгдэл	2020 оны 12 сарын 31-ний үлдэгдэл
Дансны өглөг	136,489	1,131
Татварын өглөг	1,300	-
Бусад өглөг	1,930	1,096
Дансны ба бусад өглөг	139,719	2,227

Компанийн хувьцааны эзэмшилд томоохон хэмжээний өөрчлөлт орсонтой холбогдуулан “Ворлд фрейндс” ХХК-д өгөх 2,667 мянган төгрөгийн өглөгийг нэхэмжлэхгүй болохоо “Ворлд фрейндс” ХХК-ийн зүгээс мэдэгдсэн тул тайлант хугацаанд үүнд хамаарах 1,536 мянган төгрөгийн бусад богино хугацаат өр төлбөрийг данснаас хасаж, бусад орлогоор хүлээн зөвшөөрч залруулсан байна. Тухайн залруулсан дүнд тайлант хугацаанд хамаарах 440 мянган төгрөгийн үйл ажиллагааны зардал багтсан байна.

11. Капитал ба нөөц

11.1. Хувьцаат капитал /дүрмийн сан/

Хувьцааны тоо өөрөөр заагаагүй бол	Энгийн хувьцаа	
	2021	2020
Гаргасан болон бүрэн төлсөн	11,187,900	11,187,900
Нэг бүр нь 100 төгрөгийн үнэтэй 111,879 энгийн хувьцаа	11,187,900	11,187,900

Компани нь тогтмол орлогын эрхгүй энгийн хувьцааны нэг л ангилалтай.

11.2. Хуримтлагдсан ашиг/алдагдал

Компанийн хуримтлагдсан ашиг, алдагдал нь үйл ажиллагаа эхэлснээс хойш байнга өөрчлөгдөж байдаг капиталын нөөц бөгөөд буюу тухайн тайлангийн хугацаанд олсон цэвэр ашгийн хэмжээгээр нэмэгдэж, алдагдлын дүнгээр буурдаг. Компани нь тайлант хугацаанд 29,824 мянган төгрөгийн алдагдалтай ажилласан байна.

12. Ерөнхий ба удирдлагын зардал

Мянган төгрөгөөр	2021 он	2020 он
Ажилчдын цалингийн зардал	9,457	-
Аж ахуй нэгжээс төлсөн НДШ-ийн зардал	1,277	-
Мэргэжлийн үйлчилгээний зардал	19,240	440
Зар сурталчилгааны зардал	-	195
Бичиг хэргийн зардал	2,725	461
Хүлээн авалтын зардал	223	-
Бусад зардал	23	-
Ерөнхий ба удирдлагын зардлын дүн	32,945	1,096

13. Үндсэн бус үйл ажиллагааны ашиг

Мянган төгрөгөөр	2021 он	2020 он
Бусад орлого	37,952	-
Найдваргүй авлагын зардал	(34,330)	-
Бусад ашгийн дүн	3,622	-

Тайлант хугацаанд 34,330 мянган төгрөгийн дансны авлагыг найдваргүй авлагаар, өмнөх тайлант хугацаанд үүссэн нотлох боломжгүй 35,285 мянган төгрөгийн эздийн өмчийн бусад хэсгийг ТУЗ-ийн хурлын 2021 оны 10 сарын 20-ны өдрийн ТУЗ-ийн хурлын 01 тогтоолд үндэслэн тайлант хугацааны орлогоор хүлээн зөвшөөрч, данснаас хассан байна.

Мөн компаний хувьцааны эзэмшилд орсон томоохон өөрчлөлттэй холбогдуулан “Ворлд фрейндс” ХХК-тай холбоотой 2,667 мянган төгрөгийн өглөгийг нэхэмжлэхгүй болохоо мэдэгдсэн тул бусад орлогоор хүлээн зөвшөөрч залруулсан байна.

14. Орлогын татварын зардал

Мянган төгрөгөөр	2021 он	2020 он
Тайлант жилийн татвар	501	-
Дүн	501	-

Үр ашигт татварын хувь хэмжээний нэгтгэл нь дараах байдалтай байна:

Мянган төгрөгөөр	2021 он	2020 он
Татварын өмнөх алдагдал (СТОУС-ын дагуу)	(29,323)	(1,096)
(Татвар тооцохгүй) татвар ногдох орлогоос хасагдахгүй хэсэг, цэвэр	34,330	-
Нийт татвар ногдох орлого	5,007	(1,096)
Мянган төгрөгөөр	2021 он	2020 он
Нийтлэг хувь хэмжээгээр ногдох орлогын албан татвар (2019: 10%/25%)	501	-
Орлогын албан татварын зардал	501	-

Хойшлогдсон татварын хөрөнгө, өр төлбөрийн мэдээллийг тодруулга 5-с харна уу.

15. Холбоотой талын ажил гүйлгээ

Компанийн холбоотой талд голлох удирдлага, хараат болон хамтын хяналттай компани, толгой болон охин компани, нэгдмэл хяналт дор байдаг зэрэгцээ аж ахуйн нэгжүүд хамаарна.

Компанийн холбоотой талуудад толгой компани, охин компани (тусадаа санхүүгийн тайлантай) хараат компани, хамтын хяналт, удирдлагатай аж ахуйн нэгжүүд орно. Тайлант хугацаанд компанид холбоотой талуудтай хийсэн ажил гүйлгээ байхгүй байна.

15.1. Хяналтын харилцаа

Компаний 111,879 ширхэг хувьцааг нийт 307 хувьцаа эзэмшигч эзэмшдэг байна.

Хувьцаа эзэмшигч	Хувьцаа тоо хэмжээ /ширхэг/	Нийт хувьцаанд эзлэх хувь
Э.Пүрэвсүрэн	35,801	32.00%
Б.Ашхүү	35,800	32.00%
Б.Батаа	19,712	17.62%
Бусад хувьцаа эзэмшигчид	20,566	18.38%
Нийт	111,879	100%

16. Болзошгүй өр төлбөр

Тайлант хугацаанд компанийн эсрэг хуулийн зарга маргаантай холбоотой болзошгүй өр төлбөр байхгүй байна.

17. Санхүүгийн хэрэглүүрийн эрсдэл

Хүлээн зөвшөөрөх шалгуур, орлого зарлагыг хүлээн зөвшөөрөх үндэслэл, санхүүгийн хөрөнгө, өр төлбөр, эздийн өмчийн хэрэглүүрийн ангиллын талаар хэрэглэж буй нягтлан бодох бүртгэлийн үндсэн бодлого, арга зэргийг тодруулга 4.4-д дэлгэрэнгүй харуулсан болно.

Компани нь санхүүгийн хэрэглүүрийн идэвхтэй арилжаанд оролцдоггүй. Компанийн өртөж болох томоохон санхүүгийн эрсдэл нь доорх байдалтай байна.

17.1. Зах зээлийн эрсдэл

Компани санхүүгийн хэрэглүүрүүдийг хэрэглэх явцад зах зээлийн эрсдэл, үүнд үндсэн үйл ажиллагаа болон хөрөнгө оруулалтын үйл ажиллагаанаас үүдэн гарах гадаад валют, хүүгийн түвшин болон бусад үнийн эрсдэлтэй тулгардаг байна.

Мөнгө, түүнтэй адилтгах хөрөнгө болон банк, санхүүгийн байгууллагад байршуулсан хадгаламжаас мөн зээлийн эрсдэл үүснэ.

17.2. Зээлжих эрсдэл

Зээлжих эрсдэл нь компанид санхүүгийн эрсдэл үүссэний улмаас гэрээний үүргээ гүйцэтгэж чадахгүй болох эрсдэлийг харуулдаг. Компанийн хувьд энэхүү эрсдэлийн нөлөөлөл нь дансны авлага, хугацаат хадгаламж, гэрээний хугацаа дуустал эзэмших хөрөнгө оруулалт, өрийн хэрэглүүр гэх мэт өөр өөр санхүүгийн хэрэгслээс үүсдэг. Дараах санхүүгийн хэрэглүүрийн дансны үнээр хамгийн их зээлжих эрсдэлийг харуулав:

Мянган төгрөгөөр	2021 оны 12 сарын 31-ний үлдэгдэл	2020 оны 12 сарын 31-ний үлдэгдэл
Санхүүгийн хөрөнгө дансны үнээр		
- Дансны авлага	2,976	34,330

Банкан дахь харилцах болон хугацаатай хадгаламж

Банкан дахь мөнгөний зээлжих эрсдэлийг томоохон банк, санхүүгийн байгууллагад байршуулах замаар удирддаг.

Moody’s Investors Service/Standard & Poor’s-ийн үнэлгээгээр банкн дахь харилцах болон хугацаатай хадгаламжийн зээлжих зэрэглэл дараах байдалтай байна:

Мянган төгрөгөөр	2021 оны 12 сарын 31	2020 оны 12 сарын 31
ВЗ	480	-
Дүн	480	-

Дансны авлага

Компани дансны авлага нь томоохон санхүүгийн бүрэлдэхүүн бүхий зүйлсийг агуулаагүй тул тэдгээрийн хүлээгдэж буй зээлийн алдагдлыг (найдваргүй авлагын зардал) тооцохдоо СТОУС 9-ийн дагуу хялбаршуулсан загварыг ашигладаг.

Хүлээгдэж буй зээлийн алдагдлыг хэмжихдээ дансны авлагын цуглуулагдах хугацаанд үндэслэн үнэлдэг. Тэдгээр авлагыг хугацаа хэтэрсэн хоногоор нь бүлэглэдэг.

2021 оны 12 сарын 31	Дансны авлагын хугацаа хэтэрсэн хоног				
	Хугацаа хэтрээгүй	30 өдрөөс дээш	60 өдрөөс дээш	90 өдрөөс дээш	Нийт
Нөөц байгуулах %	-	-	-	-	-
Дансны үнэ	2,833	-	-	-	-
Байгуулсан нөөцийн дүн	2,833	-	-	-	-

2020 оны 12 сарын 31	Дансны авлагын хугацаа хэтэрсэн хоног				
	Хугацаа хэтрээгүй	30 өдрөөс дээш	60 өдрөөс дээш	90 өдрөөс дээш	Нийт
Нөөц байгуулах %	-	-	-	-	-
Дансны үнэ	-	-	-	34,330	-
Байгуулсан нөөцийн дүн	-	-	-	34,330	-

Өрийн хэрэглүүр

Хорогдуулсан өртгөөр хэмжсэн бондоорх хөрөнгө оруулалтыг бага эрсдэлтэй гэж үздэг. Эдгээр үнэт цаасыг гаргасан учраас санхүүгийн байгууллагын дансны өр, бондтой холбоотой ямар нэгэн зээлжих эрсдэл байхгүй гэж удирдлагууд үзэж байна.

17.3. Хөрвөх чадварын эрсдэл

Хөрвөх чадварын эрсдэл гэдэг нь компани хүлээсэн үүргээ биелүүлж чадахгүй байх эрсдэл юм.

Компанийн бодлого нь үйл ажиллагааны болон зээлийн үйлчилгээтэй холбоотой төлбөрийг барагдуулахад хангалттай мөнгөн хөрөнгө болон түргэн борлогдох хөрөнгөтэй байх оновчтой хөрвөх чадварын удирдлагын бодлого хэрэгжүүлэх юм.

Дараах хүснэгтээр гэрээнд заасан эргэн төлөгдөх хугацаатай үүсмэл бус санхүүгийн өр төлбөрүүдийг төлөх компанийн үлдсэн гэрээний хугацааг харуулав. Компани төлөх шаардлагатай эхний өдөр санхүүгийн өр төлбөрийн дискаунтчилаагүй мөнгөн гүйлгээнд үндэслэн уг хүснэгтийг гаргасан.

2021 оны 12 сарын 31	Богино хугацаат			Урт хугацаат	
	6 сараас бага	6 сараас 1 сар	1-5 жил	5-с дээш жил	
Дансны болон бусад өглөг	136,489	-	-	-	-
Нийт	136,489	-	-	-	-

2020 оны 12 сарын 31	Богино хугацаат			Урт хугацаат
	6 сараас бага	6 сараас 12 сар	1-5 жил	5-с дээш жил
Дансны болон бусад өглөг	-	-	2,227	-
Нийт	-	-	2,227	-

Компани нь хөрвөх чадварын эрсдэл ялангуяа мөнгөний эх үүсвэр, дансны авлагыг үнэлэх, удирдахад санхүүгийн хөрөнгийн хүлээгдэж буй мөнгөн урсгалыг авч үздэг. Компанийн мөнгөний эх үүсвэр, дансны авлага нь эргэлтийн мөнгөн урсгалын шаардлагаас бага байна.

18. Бодит үнэ цэнийн хэмжилт

Санхүүгийн хөрөнгө болон санхүүгийн өр төлбөрийг нэгтгэсэн санхүүгийн тайланд бодит үнэ цэнийн шатлалаар гурван түвшинд ангилна. Эдгээр гурван ангиллыг бодит үнэ цэнийг хэмжихэд ашигласан орцуудын ач холбогдолд үндэслэнэ.

Түвшин 1: Ижил төрлийн хөрөнгө болон өр төлбөрийн идэвхтэй зах зээл дэх зарласан (тохируулаагүй) үнийг ашиглан тодорхойлно;

Түвшин 2: Хөрөнгө болон өр төлбөрийн хувьд боломжит өгөгдлийг ашиглан шууд (үнэ) болон шууд бусаар (үнээс гаралтай) бодит үнэ цэнийг тодорхойлох аргачлалыг 2-р түвшинд хэрэгжүүлнэ;

Түвшин 3: Зах зээлийн ашиглаж болох өгөгдөлд тулгуурлахгүйгээр (ашиглагдахгүй өгөгдөл) бодит үнэ цэнийг тодорхойлно. Удирдлага нь санхүүгийн хэрэглүүрийг ангилахдаа бодит үнэ цэнийн түвшинг ашигладаг.

Дараах хүснэгтээр бодит үнэ цэнийг хэмжсэн санхүүгийн хөрөнгө, санхүүгийн өр төлбөрүүдийн шатлалыг түвшин тус бүрээр харуулав:

2021 оны 12 сарын 31	Түвшин 1	Түвшин 2	Түвшин 3	Нийт
Санхүүгийн хөрөнгө				
Дансны болон бусад авлага	-	2,833	-	2,833
Мөнгө түүнтэй адилтгах хөрөнгө	-	500	-	500
Санхүүгийн хөрөнгийн дүн	-	3,333	-	3,333
Санхүүгийн өр төлбөр				
Дансны өглөг	-	136,489	-	136,489
Цэвэр бодит үнэ цэнэ	-	(133,156)	-	(133,156)

2020 оны 12 сарын 31	Түвшин 1	Түвшин 2	Түвшин 3	Нийт
Санхүүгийн хөрөнгө				
Дансны болон бусад авлага	-	-	34,330	34,330
Мөнгө түүнтэй адилтгах хөрөнгө	-	44	-	44
Санхүүгийн хөрөнгийн дүн	-	44	34,330	34,374
Санхүүгийн өр төлбөр				
Дансны өглөг	-	-	2,227	2,227
Цэвэр бодит үнэ цэнэ	-	44	32,103	32,147

18.1. Санхүүгийн бус хөрөнгийн бодит үнэ цэнийн хэмжилт

Санхүүгийн бус хөрөнгийн бодит үнэ цэнийн шатлалын түвшинг дараах хүснэгтээр харуулав:

2021 оны 12 сарын 31	Түвшин 1	Түвшин 2	Түвшин 3	Нийт
Ашиглах эрхтэй хөрөнгө:				
– Бусад хөрөнгө	-	-	-	-

2020 оны 12 сарын 31	Түвшин 1	Түвшин 2	Түвшин 3	Нийт
Ашиглах эрхтэй хөрөнгө:				
– Бусад хөрөнгө	-	-	-	-

Компанийн тайлант хугацааны капиталын дүнг доор хураангуйлан харуулав:

Мянган төгрөгөөр	2021 оны 12 сарын 31	2020 оны 12 сарын 31
Нийт эздийн өмч	(33,809)	32,158
Хасах: мөнгө ба түүнтэй адилтгах хөрөнгө	500	44
Капитал	(34,309)	32,114
Нийт эздийн өмч	(33,809)	32,158
Нэмэх: Түрээсийн өр төлбөр	3,500	-
Бүх санхүүжилт	(30,309)	32,158
Капитал, санхүүжилтийн харьцаа	1.13	1.00

19. Тайлагналын үеийн дараах үйл явдал

Тайлагналын өдөр буюу 2021 оны 12 дугаар сарын 31 болон энэхүү тайланг баталгаажуулсан өдөр хоорондын хугацаанд ямар нэгэн залруулагдах эсвэл үл залруулагдах томоохон гүйлгээ гараагүй болно.

20. Санхүүгийн тайлангийн баталгаажуулалт

2021 оны 12 дугаар сарын 31-нээр тасалбар болсон санхүүгийн тайланг 2022 оны 03 дугаар сарын 04-ний өдөр удирдлага батлав.

Г.Цогбадрах
 ТУЗ-ийн дарга

О.Амарболд
 Гүйцэтгэх захирал

Б.Ундрал
 Нягтлан бодогч